

Bosna i Hercegovina
Federacija Bosne i Hercegovine
Univerzitet u Zenici
Filozofski fakultet



Bosnia and Herzegovina
Federation of Bosnia and Herzegovina
The University of Zenica
Faculty of Philosophy

NASTAVNICIMA I SARADNICIMA FAKULTETA

PREDMET: Poziv za dostavljanje radova za časopis *Spoznaja Filozofskog fakulteta Univerziteta u Zenici I/2025.*

Poštovane kolegice i kolege!

Obavještavam Vas da je u pripremi I broj časopisa *Spoznaja Filozofskog fakulteta Univerziteta u Zenici* i pozivam Vas da, ukoliko želite, dostavite svoj rad za objavljivanje u ovogodišnjem **I broju *Spoznaje***.

Časopis Spoznaja nije tematski, te naslovi radova nisu limitirani. Poželjno je da budu u funkciji razvijanja kompetencija studenata Fakulteta ili u području Vašeg naučnoistraživačkog bavljenja, odnosno kolegija na kojem ste angažirani na Fakultetu.

U *Spoznaji* svoje radove mogu objavljivati i naučnici i stručnjaci koji nisu uposlenici našeg fakulteta, a čiji je predmet interesovanja usmjeren ka naučnim poljima koja se izučavaju u okiru studija Filozofskog fakulteta. Također, radove mogu objavljivati i studenti našeg fakulteta uz obavezno mentorstvo nastavnika i/ili saradnika iz oblasti kojima rad pripada (koautorski radovi).

Jedan autor može objaviti samo jedan rad iz stava (1) čl. 9 Pravilnika o izdavačkoj djelatnosti Univerziteta u Zenici, te jedan rad iz stava (2) čl. 9 ovog Pravilnika. Koautorski radovi mogu imati maksimalno tri autora.

Lektorisan rad (uz navođenje imena lektora) dostaviti u elektronskoj verziji (ne u PDF) na e-mail: casopis.spoznaja@unze.ba sa naznakom:

Rad za časopis *Spoznaja Filozofskog fakulteta Univerziteta u Zenici I/2025*

Krajnji rok za dostavu radova je 31. 10. 2025. godine.

Pravilnik o izdavačkoj djelatnosti Univerziteta u Zenici

Član 9.

(Vrste članaka u kontinuiranim publikacijama)

(1) Shodno karakteru radova objavljenih u kontinuiranim publikacijama (časopisima i zbornicima radova) preporučuje se da recenzenti svaki članak klasificiraju prema sljedećim kategorijama članaka:

originalni naučni članak (Original scientific paper) – predstavlja prvu objavu originalnih fundamentalnih ili primjenjenih istraživačkih rezultata, i to u takvom obliku da se istraživanje može ponoviti, a utvrđene činjenice provjeriti; po pravilu takva vrsta rada organizirana je po shemi IMRAD (Introduction, Methods, Results and Discussion) kada su u

pitanju eksperimentalna istraživanja ili na deskriptivan način za opisna naučna područja. Izlaganja na konferenciji, ne spadaju u ovu kategoriju, već se kategoriziraju kao izlaganje s naučnog skupa;

kratki naučni članak (Short original scientific paper) – predstavlja originalni naučni članak koji objavljuje originalne rezultate istraživanja kod kojeg neki elementi sheme IMRAD (Introduction, Methods, Results and Discussion) mogu biti izostavljeni; ovaj tip članka može i da prikazuje sažete rezultate određenog završenog originalnog istraživačkog djela ili djela koje je još u toku; izlaganja na konferenciji, ne spadaju u ovu kategoriju, već se kategoriziraju kao izlaganje s naučnog skupa;

prethodno saopćenje (Preliminary note) – po svom karakteru najbliži je kratkom naučnom članku, s tim da ono predstavlja još kraću i sažetiju formu; u ovom tipu članka objavljuje se samo preliminarni izvještaj, odnosno rezultati određenog originalnog istraživanja koji iz opravdanih razloga ne mogu čekati da budu objavljeni kao završni izvještaj o rezultatima istraživanja; izlaganja na konferenciji, ne spadaju u ovu kategoriju, već se kategoriziraju kao izlaganje s naučnog skupa;

stručni članak (Professional paper) – predstavlja prikaz nečega što je već poznato, s posebnim naglaskom na upotrebljivosti rezultata originalnih istraživanja i širenju znanja, a zahtjevnost teksta prilagođena je potrebama čitaoca stručnog ili naučnog časopisa u kojem je on objavljen; izlaganja na konferenciji, ne spadaju u ovu kategoriju, već se kategoriziraju kao izlaganje s naučnog skupa;

pregledni naučni članak (Review article) – pregled najnovijih djela o određenom predmetnom području, djela pojedinog istraživača ili grupe istraživača, s ciljem da se već objavljene informacije sažmu, analiziraju, evaluiraju ili sintetiziraju; ovakva vrsta članka donosi nove sinteze koje, također, uključuju rezultate sopstvenog istraživanja autora; izlaganja na konferenciji, ne spadaju u ovu kategoriju, već se kategoriziraju kao izlaganje s naučnog skupa;

izlaganje s naučnog skupa (Conference paper) – predstavlja naučno ili stručno izlaganje s određenog naučnog ili stručnog skupa, odnosno konferencije; objavljeno izlaganje u načelu mora biti organizirano kao naučni članak.

(2) **Predgovori, popratne riječi, recenzije, prikazi, kritike, diskusije, polemike i intervjui** u kontinuiranim publikacijama (časopisima) posebno se ne kategoriziraju, nego se objavljuju u za to posebno predviđenom dijelu publikacije (časopisa).


NAPOMENA: Nakon recenzija svi radovi će biti klasificirani prema ovim kategorijama.

S poštovanjem!

Zenica, 07. 07. 2025.

UREDNIK

Van. prof. dr. Mirza Džananović



DEKAN

Van. prof. dr. Alica Arnaut

